

段且置之流通一段末法明鏡尤可爲依用。而於流通有二。一所謂迹門之中法師等五品。二所謂本門之中自分別功德半品終于經十一品半。此十一品半與五品合十六品半。此中入末法修行法華相貌分明也。是尙事不行引來普賢經涅槃經等糾明之無其隱歟。其中分別功德品四信與五品修行法華之大要在世滅後之龜鏡也。荊谿云一念信解者即是本門立行之首云云。其中現在四信之初一念信解與滅後五品第一初隨喜此二處一同百界千如一念三千寶篋十方三世諸佛出門也。天台妙樂二聖賢定此二處位有三釋。所謂或相似十信鐵輪位。或觀行五品初品位未斷見思或名字卽位也。止觀會其不定云佛意難知赴機異說。借此開解何勞苦諍云云等。予意云三釋之中名字卽者叶經文歟。滅後五品初一品說云而不毀些起隨喜心。若此文渡相似五品而不毀些言不復歟。就中壽量品失心不失心等皆名字卽也。涅槃經若信若不信乃至熙連勸之。又一念信解四字之中信一字四信居初解一字被奪後故也。若爾者無解有信當四信初位。經說第二信云略解言趣云云。記九云唯除初信無解故。隨次下至隨喜品上初隨喜重分明之。五十人是皆展轉劣也。至第五十人有二釋。一謂第五十人初隨喜內也。二謂第五十人初隨喜外也云者名字卽也。教